

REGIONAL NEWS UNIT ALL  
INDIA RADIO, SILCHAR

\*\*\*\*\*

MORNING BULLETIN : BENGALI

Date:- 24-02-2018

Time : 07:35-07:40 AM

\*\*\*\*\*

আয়ুৰ্ষ মন্ত্রনালয়ের কেন্দ্রীয় প্রতিমন্ত্রী শ্রীপদ নায়েক গতকাল গৌহাটীর বরসোজাই আঞ্চলিক আয়ুর্বেদিক উদার তান্ত্রিক রোগ গবেষণা প্রতিষ্ঠানের নতুন ভবনটির উদ্বোধন করেছেন। এরপর কেন্দ্রীয় মন্ত্রী ইন্ডিয়ান ইনস্টিটিউট অব এন্টারপ্রিনারশিপে আয়ুর্বেদ বিজ্ঞান গবেষণার কেন্দ্রীয় পরিষদের কার্যাবলী ও অবদান শীর্ষক একটি জাতীয় কর্মশালারও উদ্বোধন করেন। এউপলক্ষ্যে আয়োজিত এক অনুষ্ঠানে অংশ নিয়ে শ্রীনায়েক বলেন যে ভারতে বৃহৎ পরম্পরাগত ঔষধি ভান্ডার রয়েছে এবং বর্তমান সময়ে পরম্পরাগত স্বাস্থ্য ক্ষেত্রের স্বদেশী ব্যবস্থায় বিশ্বে ভারতের এক বিশেষ স্থান রয়েছে। স্বাস্থ্য সেবার প্রসারে ভারত সরকারের আয়ুৰ্ষ মন্ত্রনালয়ের সি সি আর এস ১৯৭১সাল থেকেই উত্তর-পূর্বাঞ্চলে গবেষণা ও উন্নয়নের কাজ করে আসছে। তিনি বলেন যে উত্তর-পূর্বাঞ্চলের আরো অধিক উন্নয়নের জন্য সম্প্রতি সি সি আর এস আসাম, সিকিম ও অরুণাচল প্রদেশের বিভিন্ন স্থানে মোট ২০টি আয়ুর্বেদ স্বাস্থ্য সেবা কেন্দ্র স্থাপন করেছে। এই কেন্দ্রগুলি উত্তর-পূর্বাঞ্চলের প্রত্যন্ত অঞ্চলে স্বাস্থ্য সেবার ক্ষেত্রে বিশেষ ভূমিকা পালন করছে। মন্ত্রী আরো জানান যে গৌহাটীর এই কেন্দ্রটিতে আই পি ডি সেবা চালু করতে ১কোটি ৫০লক্ষ টাকা মঞ্জুর করা হবে।

কেন্দ্রীয় রেল প্রতিমন্ত্রী রাজেন গোহাই আসামের সম্ভাবনাপূর্ণ জেলাগুলির অধিক উন্নয়নের জন্য কার্যসূচী রূপায়নে সেই জেলাগুলি রাজ্যপর্যায়ের আধিকারিকদের প্রতি আহ্বান জানিয়েছেন। গৌহাটীর আসাম

প্রশাসনিক প্রশিক্ষণ মহাবিদ্যালয়ে অনুষ্ঠিত এক পর্যালোচনা সভায় কেন্দ্রীয় মন্ত্রী অনগ্রসর জেলাগুলির উন্নয়নের জন্য নীতি আয়োগের প্রদান করা গুরুত্বের উপর আলোকপাত করেন। শ্রীগোহাই প্রতি দুইমাসে তিনি এই সব কাজের পর্যালোচনা করবেন বলে সভায় জানান। উল্লেখ্য নীতি আয়োগের চিহ্নিত করা দেশের ১১৫টি অনগ্রসর জেলার মধ্যে আসামের ৭টি জেলা রয়েছে। এই জেলাগুলি হচ্ছে হাইলাকান্দি, ধুবরী, বরপেটা, দরং, গোয়ালপারা, বাক্সা ওদালগুরি।

---

নতুনদিিল্লীর সংগীত নাটক একাডেমীর উদ্যোগে ও কাছাড় জেলা প্রশাসনের ব্যবস্থাপনায় শিলচর বঙ্গ ভবনে নৃত্যের উপর নৃত্য সনরচনা নামে এক কর্মশালার আয়োজন করা হয়েছে। এই কর্মশালা আগামীকাল থেকে শুরু হবে চলবে পয়লা মার্চ পর্যন্ত।

---

কাছাড় জেলার জাতীয় স্বাস্থ্য অভিযানের অধীনে আজ বেলা চারটেয় শিলচর সতীন্দ্র মোহন দেব সিভিল হাসপাতালে মুখ্যমন্ত্রীর বিনামূল্যে রোগ নির্ণয় প্রকল্পের আনুষ্ঠানিক উদ্বোধন করা হবে। এক প্রেস বার্তায় এ খবর জানানো হয়েছে।

---

কাছাড় নেহেরু যুব কেন্দ্রের উদ্যোগে এবং মণিয়ারখালের বাণীশক্তি ক্লাবের সহযোগীতায় গতকাল দর্মিখাল গ্রাম পঞ্চায়েত কার্যালয়ের সভাকক্ষে রক ভিত্তিক সন্নিহিত যুব সংসদ অনুষ্ঠিত হয়েছে। এই যুব সংসদে কেন্দ্রীয় সরকারের বিভিন্ন প্রকল্প নিয়ে আলোচনা করেন পরেশ তাঁতি, রঞ্জিত কুমার পাল, জয়দীপ দাস প্রমুখ। সভায় পৌরহিত্য করেন দর্মিখাল গ্রাম পঞ্চায়েত সভাপতি বিপুল শুরুবৈদ্য।

---

এডভোকেটস বার সংস্থার এক সাধারণ সভা গত বুধবার শিলচরে অনুষ্ঠিত হয়েছে। এদিনের সভায় অশোক কুমার রায়কে সভাপতি এবং নলিনাক্ষ নাগকে সম্পাদক মনোনীত করে এডভোকেটস বার সংস্থাগঠন করা হয়েছে। সংস্থার অন্যান্য কর্মকর্তারা হচ্ছেন সহ-সভাপতি সৌমিত্র নাথ ও এম কামাল বড়লক্ষর, যুগ্ম সম্পাদক কৃষান হাজম এবং হিসাব পর্যবেক্ষক পদে সুকার সিনহা প্রমুখ।

---

শিলচর রোটারী ক্লাব ও ইন্ডিয়ান একাডেমী অব পেডিয়াট্রিক্স বরাক ভ্যালি শাখার যৌথ উদ্যোগে এবং উধারবন্দেব বিবেকানন্দ পাঠ মন্দিরের সহযোগিতায় আগামীকাল চাঁদখিরা চা-বাগানে শিশু স্বাস্থ্য শিবিরের আয়োজন করা হয়েছে। এছাড়াও একটি সচেতনতা সভারও আয়োজন করা হয়েছে।

---

দুদিনব্যাপী শিলচর বার সংস্থার বাষিক ক্রীড়া অনুষ্ঠান আজ সকাল ৮টা থেকে শিলচর আসাম রাইফেলস-এর মাঠে শুরু হচ্ছে। এতে মুখ্য আকর্ষণ হচ্ছে লিগ্যাল সুপেরনভা বনাম লিগ্যাল সুপার কুইন মহিলা ক্রিকেট ম্যাচ। এছাড়াও অন্যান্য ক্রীড়া প্রতিযোগিতার মধ্যে রয়েছে মিউজিক্যাল চেয়ার, লং জ্যাম্প, লম্বা দৌড় ইত্যাদি। হাইলাকান্দি এবং করিমগঞ্জ জেলা ক্রীড়া সংস্থাও এই প্রতিযোগিতায় সক্রিয়ভাবে অংশ নিচ্ছে।

---

শিলচর জেলা ক্রীড়া সংস্থা আয়োজিত ষষ্ঠ রামানুজ গুপ্ত স্মৃতি সুপার ডিভিশন লিগ ফুটবল প্রতিযোগিতার গতকালের খেলায় তারাপুর এথলেটিক ক্লাব ২-০ গোলে কাছাড় পুলিশ এথলেটিক ক্লাব দলকে পরাজিত করে। শিলচর সতীন্দ্র মোহন দেব স্টেডিয়ামে মাঠে আয়োজিত এই

প্রতিযোগিতার আজকের খেলায় শিলচর স্পোর্টিং ক্লাব মুখোমুখি হবে রংমাই  
নাগা ইয়ুথ ক্লাবের বিরুদ্ধে ।

-----সমাপ্ত-----